

Olje- og energidepartementet  
Postboks 8148  
0333 OSLO  
Postmottak@oed.dep.no

Dykkar ref.:

Vår ref.: PNV

Postnr/stad: 6220 Straumgjerde

## **Høyringsuttale om forslag til endring av lov om elsertifikat**

Viser til høyringsbrev publisert 03.12.2014 om forslag til endring av lov om elsertifikat og tilhøyrande høyringsnotat av same dato. Under følgjer Småkraftforeninga i Møre og Romsdal sin uttale.

Vi har merka oss at den svenske regjeringa har uttrykt at dei har auka ambisjonar for fornybar energiproduksjon og ønskje om å utvide sertifikatordninga. Sidan dette vil ha stor betydning for framtidig prising av kraft i den nordiske marknaden, ber vi om at slike mulege endringar vert vurderte nøye i høve til utviding av norsk fornybar energiproduksjon. Dette må slik som departementet også antyder, bli sendt ut på eiga høyring.

### **1. Utviding av overgangsordninga**

Vi støttar departementet sitt forslag om utviding av overgangsordninga til å inkludere tidlegare utelatne småkraftverk. Forslaget oppfyller politiske lovnader som tidlegare er gitt og utviding av overgangsordninga vil ha svært positive verknader.

Det er venta at ei gjennomføring av forslaget vil betre tilliten mellom myndigheiter og investorar innan grøn teknologi. Styrkt tillit og dermed lettare kapitaltilgang vil føre til auka investeringar i småkraftbransjen. Forslaget vil vidare føre til at fleire lokale grunneigarar med prekær økonomi, grunna ekskludering fra den opphavelige overgangsordninga, vert i stand til å behalde småkraftverk og anna livsgrunnlag. Implementering av forslaget sikrar difor norsk eigarskap av norske vasskraftressursar.

### **2. Endring av elsertifikatkvotar**

For å sikre ein stabil pris på elsertifikata, må elsertifikatkvotane/kvotekurven regulerast kvart år i takt med elsertifikatmengda. Det er nødvendig at sertifikatprisen held seg i overkang av 20 øre/kWh dersom investeringane skal gi nødvendig lønsemd. Stabile prisar er også viktige for tilliten frå låneinstitusjonar, o.l.

### **3. Sluttdato for når anlegg kvalifiserer for rett til elsertifikat**

Som vist i ei rekkje høyringsuttalar til høyringsbrev av 11.02.2014 om kontrollstasjon 2015, så er det behov for endringar i gjeldane rett. Gjeldende rett vil medføre at mange småkraftverk ikke vert utbygde, då risikoen for å overskride tidsfristen fastsett til 31.12.2020 blir for stor.

Vi meiner det er eit sentralt poeng at spesielt utbyggarar og eigarar av småkraftverk har avgrensa kapasitet og evne til å håndtere marknadsinformasjon og risiko. Dei bør difor takast ekstra omsyn til i høve større og profesjonelle aktørar. Departementet sitt forslag om ei avgrensa utsettjing av sluttdatoen, med fristforlengelse på seks månader eller eitt (1) år, vil kunne vere lang nok for profesjonelle aktører. Men som nemnt ovanfor vil derimot fristforlengelse på ett år ikkje vil være nok for mange av småkraftverksprosjekta. Dette gjeld og for prosjekt der grunneigarane, for å få lønsemd, må bruke egne maskiner og eigen arbeidsinnsats i gjennomføring av prosjekta.

Det er tidligare påpeka eit behov for godkjenning av anlegg heilt frem til 2035, tilsvarende gjeldande regelverk i Sverige. Eit slikt regelverk reduserar sterkt risikoen med sluttdato 31.12.2020 og vil sikre at lønsame prosjekt blir realiserte. Fordi det vil vere ei nedtrapping av talet på år ein vil få sertifikat fram mot 2035, vil det i seg sjølv gi eit godt incitament til å gjere utbygginga ferdig så nær 2020 som mulig. Vi meiner difor at ordninga med godkjenning av sertifikat fram mot 2035 og med avtrapping av talet år frå 2020, som i Sverige, vil være beste løysinga.

Nettsituasjonen gjer at fleire utbyggarar har fått beskjed om at NVE ikkje vil handsame konsesjonssøknadane for utbygging før nettsituasjonen er avklart. Dette gjeld ikkje berre for område på Vestlandet, men også andre stader i Norge. Det kan oppstå ein situasjon for ein del utbyggarar der nettsituasjon og konsesjon ikke er avklart før tett opp mot 2020, og der utbyggarar ikkje har finansiell eller praktisk mulighet til å få kraftverket på nett, sjølv med fristforlenging på 6 eller 12 månader. Småkraftforeninga i Møre og Romsdøl ber derfor departementet om spesielt å vurdere særordningar der nettsituasjonen er prekær og ikke let seg løyse innen rimelig tid før 2020. Dette må ikkje gå ut over utbyggarane.

Vi vil til slutt gi politisk leining i departementet ros for å ha følgd opp dei politiske lovnadane som er gitt siden 2004 i denne saka og som ikke vart følgd opp av den raudgrøne regjeringa.

6220 Straumgjerde 18.01.2015

Småkraftforeninga i Møre og Romsdøl

Petter Velle